

**AWIGAWIG
DESA PAKRAMAN TANAH ARON**



**DESA BHUANA GIRI, KECAMATAN BEBANDEM
KABUPATEN KARANGSEM**

**AWIGAWIG
DESA PAKRAMAN TANAH ARON**



**DESA BHUANA GIRI, KECAMATAN BEBANDEM
KABUPATEN KARANGSEM**

**AWIGAWIG
DESA PAKRAMAN TANAH ARON**

MURDA WAKYA

“ Om Swastyastu“

Om awignam Astu Namu Sidham

Purwa Pangastunkara titiang Krama Desa Pakraman Tanah Aron, ring bukpandan Ida Sanghyang Widhi Wasa Sangkan Paraning Dumadi, Bhatara- Bhatari sane melingga ring Pura Puseh Tanah Aron Mina Kadi Pura Kahyangan sami sami sane wenten sajroning wawengkon Desa Pakraman Tanah Aron, dwaning melarapan saking kerta wara nugraha paduka bhatara Samudhaya, karyya puniki kasidan puput .

Kaping Kalih hatur angayubaggyan titiang krama Desa Pakraman Tanah Aron , Pinghajeng ring ida dane para pangelingsir, keliang pemangku, Minakadi ida dane sang merage cestakarawidagdha pradnyan wicaksana sareng sami, sane sampun sangkaning sweca ledang sareng mapawangun ngirpta Uger- uger marupe awig-awig Desa Pakraman Tanah Aron puniki, pacang kaanggen sepat siku-siku sajeroning desa kantor kaungkur wekas

Taler majeng ring Pemerintah Daerah Kabupaten Karangasem, para Mmanggala sane mastika ngiwang patutang awig –awig, titiang ngaturang pangayu bagya, dwaning sampun kasidan nureksa, maritetes saha mastika, kantos marupa puput.

Mungguing daging ipun manut Tri Hita Karana, Indik Kahyangan genah ngadisthana Ida Sang Hyang Parama Wisesa indik pawongan pinake krama desa, indik palemahan punika wawidangan wewengkon desa, mebatang antuk lekita sastra agama, sesama paswara, dresta minakadi sane sawosan, sane hanut ring pemargin dharma agama kalih dharma Negara dumadak kasiddham mamangguhing kajadatdhitan sekala niskala

“ Om Santih, Santih, Santih Om“

DAGING AWIG –AWIG
DESA PAKRAMAN TANAH ARON

MURDAN WAKYA	i
DAGING AWIG AWIG	ii
PRATHAMAS SARGAH : ARAN LAN WAWIDANGAN DESA.....	1
DWITYAS SARGAH : PIKUKUH LAN PATITIS TATUJON	2
TRITYAS SARGGAH : SUKERTTA TATA PAKRAMAN	2
Palet 1 : Indik Krama	2
Palet 2 : Indik Prakanggen Desa	7
Palet 3 : Indik Sangkepan Miwah Paruman Uthawi Pasamuhan	11
Palet 4 : Indik Kulkul	14
Palet 5 : Paduwen Desa Pakraman Tanah Aron	16
Palet 6 : Indik Bhaya.....	17
Palet 7 : Laluputan	18
Palet 8 : Panyanggraan Desa miwah Bajar	18
CATURTAS SARGGAH : SUKERTTA TATA PALEMAHAN	18
Palet 1 : Indik Tegal Lan Karang	21
Palet 3 : Indik Wawangunan	23
Palet 4 : Indik Wawalingan	25
Palet 5 : Indik Rampagan	27
PACAMAS SARGGAH : SUKRETA TATA AGAMA	28
Palet 1 : Indik Dewa Yajna	21
Kaping 1 : Indik Kahyangan	28
Kaping 2 : Sukrettan Pura Kahyangan	29

Kaping 3 : Indik Pemangku	34
Palet 2 : Indik Yadjna	37
Palet 4 : Indik Pitra Yajna	38
Palet 5 : Indik Manusa Yajna	27
Palet 5 : Indik Manusa Yajna	41
Palet 5 : Indik Bhuta Yajna	42
SAT SARGGAH SUKERTTA TATA PAWONGAN	44
Palet 1 : Indik Rangkat	44
Palet 2 : Indik Belas Makurenan Utawi Napyan	45
Palet 3 : Indik Balu	46
Palet 4 : Indik Santana	47
Palet 5 : Indik Warisan	47
Palet 5 : Indik Cuntaka	48
SAPAMAS SARGGAH : WICARA LAN PAMIDANDHA	52
Palet 1 : Indik Wicara	55
Palet 2 : Indik Phamindandha	53
ASTAMAS SARGGAH : NGUWAH- NGUWAHIN AWIG- AWIG	52
NAWAMAS SARGGAH : PAMUPUT	56

PRATAMA SARGGAH
ARAN LAN WEWIDANGAN DESA

Pawos 1

- 1) Desa puniki mwasta “ Desa Pakraman Tanah Aron” ,selantur ipun kasurat sajeroning lekita “ Desa Pakraman Tanah Aron”
- 2) Wawengkon Prabumyan Desa Pakraman Tanah Aron Mawanrg nyatur Desa, manut sekadi kinucap ring sor puniki :
 - ha. Tepi siring Wetang/ Kangin : Penepin Desa Pakraman Poh lan Desa Pakraman Pidpid
 - na. Tepi siring Kidul/Kelod : Panepin Desa Pakraman Nangka
 - ra. Tepi siring Kaja /Kaler Gunung Agung
- 3) Sajeroning wawengkon Desa Pakraman Tanah Aron, Wenten babanjaran mawarte Banjar Pakraman/Tanah Aron

DWITYASARGGAH
PIKUKUHLAN PATITIS TATUJON

Pawos 2

Maka pikukuh, Desa Pakraman Tanah Aron , Ngarajegang, mikukuhin, kalih matindihan pisan

- 1) Pancasila, Pinaka dasar Negara Republik Indonesia
- 2) Undang –Undang Dasar 1945
- 3) Tri Hita Karana

Pawos 3

Desa Pakraman Tanah Aron ngamanggehang patitis tatujon, lwir ipun :

- 1) Ngamayang tata cara magama Hindu.
- 2) Ngawangun katreptian sajeroning Desa Pakraman, mangda kasidhan rajeg katreptian ikang praja.
- 3) Ngawerdiyang kawicaksanaan minakadi kapradnyanan maka larpan gumawe gemuh landuhing praja.
- 4) Ngemanggehang kalih ngawerdiangpadreweyaning Desa, majalaran kawicaksanaanguna laksana manut darma prawreti.
- 5) Ngarajegang Dharma Agama Miwah Dharma Negara

TRITYAS SARGGAH

SUKERTTA TATA PAKRAMAN

Palet 1

Indik Krama

Pawos 4

- 1) Sane Kasinanggeh Krama Desa Pakraman Tanah Aron, Lwire :
Ha. Sang sapsire hugi jenek ring wawengkon Desa Pakraman Tanah Aron lintang ring asasih uthawi 35 dina, sane rajeg magama Hindu.

Na. Sang sapisire hugi wed saking Desa Pakraman Tanah Aron, Jenek megenah ring dure Desa Liwaring Desa Pakraman Tanah Aron, Nanghing Kantun Mipil ring salah sanunggal banjar pakraman sane wenten sajeroning Desa Pakraman Tanah Aron, Sane Mula Pangrenahanya Nguni.

2) Papalihan Karama, kadi Hinucap ring soer puniki :

Ha. Krama wed: krama Desa sane bulangkep, sangkaning nama katami madue hempon ngaci-ngaci ring Desa, Majalaran antuk ngamong Ngelingang palaha pura sane pamuponipun patut mangge daging pangaci. Sangkaning drsta kuna

Na. Krama marep : krama Desa sane Bulangkep, sane sampun Desa Pakraman Tanah Aron Uthawimipil Ring Desa, saha maayahan saurah-arih

Ca. Krama penyada, krama Desa sane sampun tan keni ayahan

Ra. Krama bali : Krama Desa lanang wiyadin istri, sane katinggal seda antuk rabinya. Wenten balu camput, wenten balu masantana

Ka.Krama Majeng : Sang Sapisire hugi wed saking Desa Pakraman Tanah Aron nanghing manggeh pipilring banjarannya nguni.

3) Krama tamyu ,ingih punika krama sane kinucap kadi ring sor puniki :

Ha. Sang sapisire hugi saking dura Desa liwaring Desa Pakraman Tanah Aron jenek magenah ring wawengkon Desa Tanah Arin ngawengku karang pomahan lintang ring asasih uthawi 35 Rahina

- na. Sang saprira wed saking liwaring Desa Pakraman Tanah Aron makakubon ngenahin pelemahan tegal ,palasan, ring wawengkon Desa Pakraman Tanah Aron,nanging kari manggeh makrama Desa ring kemulan Desanya, kBuktiang antuk surat sasinahan saking kelyang desanya
- ca. Sang sapsire ugi jenek magenah ring wawengkon Desa Pakraman Tanah Aron , yan tan magama hindu , taler sinanggeh tamyu, tan sareng sapolikramaning Desa Pakraman Tanah Aron
- 4) Krama Ngajag : Sang sparira hugi rawuh ka jeroning Desa Pakraman Tanah Aron Nanghing Tan nekeh Magenah irika, patut matur supeksa ring prakanggen Desa kalih ring sang amanwa rat. Yan tan asapunika prakanggen Desa wenang nundung jadma hinucapmangda matinggal saking desa asapunika

Pawos 5

Ngawit tedun ngayah makrama Desa , ring Desa Pakraman Tanah Aron :

- 1) Krama Desa sawen Mawed Kalih Jenek ring wawengkon Desa Pakraman Tanah Aron malarapan antuk teteragan Banjar, lwire : sampun bulangkep lintang ring asasih uthawi 35 dina , saking dina rangkate : dwaning pinaka panyundul wiyadin patajuh : sangkaning ngamongin karang pomahan
- 2) Sang sapsire hugi wed saking dura Desa, Magenah eing Wawengkon Desa Pakraman Tanah Aron, sampun lintang ring asasih uthawi 35 dina , katerag antuk banjar sane ngwawapagenahnya

- 3) Krama Desa wed saking desa Pakraman Tanah Aron, matinggal la dura Desa, wastu malih mawali ka Desa Pakraman Tanah Aron.
- ha. Yan sangkaning rahayu kalih saking palugrahanPrakangegen desa Pratinggale nguni, wenang mwwali , mipil ring banjar pakraman sinalih tunggal sane wenten sajeroning Desa, Pakraman TanahAron Nganutin sukretan banjar punika sowang :
- na . yang sakaning tan rahayu ppatinggale nguni , yogya kliyang Banjar sane katuju ngatenganghang babawose ka desa, mangda kabawose antuk prakanggen desa, yan katinutin tetepasan prakanggen Desa Puunika , tur kacihnayang antuk maguru piduka ring pura puseh Desa Pakraman tanah aron, Uthawi Kahyangan Desa Pakraman Tanah Aron, Praside Kalugra mipil pinaka krama Desa Pakraman Tanah Aron.
- 4) Sang sapisire ugi krama saking dure desa ngajeg makrama Desa Pakraman tanah Aron, sangkaning jenek mapaumahan ring wewidangan Desa Pakraman TanahAron Patut naur Pangepok gung arta manut pasuara Desa

Pawos 6

Husan makrama Desa ring desa pakraman Tanah Aron, Malarapan Antuk :

1. Seda
2. Sangkaning pinunas ngaraga, saha polih paiugrahan prakanggen Desa Pakraman Tanah Aron
3. Sangkaning sasundul
4. Tedah Uthawi Tilar saking Agama Hindu
5. Nyada, Sasampun mayusa lintang ring 70 tahun
6. Mabhukti sungkan tan sidha waras
7. Kasepekang saha kaheladang antuk Desa

Pawos 7

1) Swadharmaning Krama Desa

- ha. Krama wed, ngamongin hemponan sane katami, ngèlingang ngamel padwuwéyan Desa, ngalaksanayang salwiring karyya sane mula kagadhuh antuk krama wěd. Taler mapayahan matata ami, ngèlingang ngaměl salwiring käryya sanè mula er mapayahan matata turun pinaka krama marep.
- na. Krama marep yogya keni payah-ayah pa keni payah-ayahan, tata turun cuměk, nyanggra saraja karyyan Desa, manut hunggwan sowang-sowang.
- ca. Krama sorpa yogya mayah-ayahan kalih tata turun, saha istri canang bebawos sane-lanang keni saang lan daun binuah.
- ra. Krama balu lanang wiyadin istri. keni payah-ayahan kalih tata turun kasele, tan balu punika ngamong karang. Kawěkas yan okane lamang wiyadin istri sampun hantes mayahan, patut krama balu punika mayahan matata turun cuměk, bulangkep antuk piyanak.
- ka. Krama majég. Yogya ngaturang panahub ka Desa ngamasa-masa, sanangkén wali ring Pura Dalēm, gung artha manut pasuara Desa, taler ngaturang dana pawangunan ri tatkālaning Dèsa mapawangun, ngayum, wawangunan sanè kadruwe antuk Desa, ngungartha manut pasuaran Dèsa.
- da. Krama sanè tan māgama Hindu, tan sareng sapolikramaning Dèsa, nanghing tan wěnang piwal ring Awig-awig, paswaran Dèsa, miwah pamutus pararém Deśa, sanè ngindikang tata pawongan kalih palēmahan

- ta. Krama Desa Samiyan sd samiyan yogya saturut ring daging Awig- Awig Desa Pakraman Tanah Aron, paswara miwah pamutus pararem ngutsahayang ring hayun, tumus mamangguhing kajagaddhitan praja
- sa. Krama Desa sane pacang ngadol palemahan tegall, miwah sane sawosan sane magenang sejeroning wawidangan Desa Pakraman Tanah Aron, ngadol ring anak saking dura Deśa, hugi mangda Po palugrahan saking Prakangge Desa. Yan tan asapunika, sang ngadolwenang dandha manut Pasuruan Desa , tur sanè kaadol punika kajala antuk Desa.

(2) Phâla-pékṣaning krama Desa:

- ha. Krama Dèsa samiyan yogya polih pasayuban wiyadin pangöban saking Desa, salwiring wyawaharanya yogya kabawosan antuk Prakanggen Desa, manut tata titiang wyawahara.
- na. Krama Deśa samiyan wĕnang nglaksanayang Pañca-yajña, sajroning Desa Pakraman Tanah Aron, manut Desa kalapatra, sastra agama miwah nganutin sitan Desa hinucap.
- ca. Krama Desa wĕd, marep, wĕnang polih babagian layuban aci-aci salwir ipun, twas-twasan, miwah sawosan sane patut katiba ring krama Desa.
- da. Mapawangkid, ñaluk, tan tedun maayahan, yogya saking panglokika kalih palugrahan Prakanggen Désa.

Palet 2

Indik Prakanggèn Desa

Pawos 8

Desa Pakraman Tanah Aron puniki, kalemong antuk Prakangge Desa,

ha. Bandhésa uthawi Kělyang Désa

na. Penarikan Desa

ca. Sědahan Désa uthawi Juru Raksa

Pawos 9

1) Sane wěnanng kahadegang wiadin kamanggehang dados Prakanggén Desa Pakraman Tanah Aron, lwire:

ha. Krama wěd, krama marep miwěd, sané jěněk magēnah, makrama Desa matata turun sahurah-harih uthawi sanè agemong bukti cacah Desa ring Desa Pakraman Tanah Aron

na. Tan cedangga sakadi pécéng, pérot, cungh, lan sapanunggilan ipun sane katandangin kabakta saking wahu hěmbas

ca. Wikan mamawos kalih nyurāt aksara Bali wiyadin Latin.

ra. Mabukti tan nahēn melaksana corah

2) Pidadbdb ngadēgang Prakanggèn Deša:

ha. Krama Desa Pakraman Tanah Aron ngamanggehang wiv nondzaang Prakanggen Desa, mawit saking soang-soang wargi, inggian ipun:

Bendesa uthawi Kelihang Désa, mawit saking Krama Desa Pakraman Tanah Aron wargi Pasek Benděša, sane ngěmong bukti cacahan Desa Pakraman Tanah Aron.

- Panyarikan, mawiwit saking Desa Pakraman Tanah Aron wargi sahananing sanè ngemong bukti cacahan Desa Pakraman Tanah Aron.
- Sedahan Desa atau Juru Raksa mawiwit saking Krama Desa Pakraman Tanah Aron wargi Pasek Tangkas sane ngamong Bukti cacahan Desa Pakraman Tanah Aron.

na. Yan wèntèn sinalih tunggal piwal kalaning kasudi antuk paruman Desa sane piwal punika wèngang katiwakin panglokika, yan tan man paksanya, yogya kabawosan antuk parunnan Desa. Yan jati tuku paksanya, paruman Desa wèngang ñudi sanè sawosan.

Pawos 10

Swadharmaning Prakangege :

1. Midabdabin Déśa, krama Desa, pacang ngupadi kajagaddhitan sakāla niskāla, maka darsana Awig-awig Desa, paswara Desa, pamutus pararēm Déśa, nganutin sastra Agama Hindu minakadi uger-ugěr Nagara.
2. Ngarañcana salwiring sanè nandang pacang wangunang, sanè patut hayum, manut lokika Desa kāla patra. Sanè mabuwat, inangda kasiddhan polih palugrahan guru wiśèsa.
3. Mamawosin salwiring wyawahara sare welu sajronig Déśa Pakraman Tanah Aron, miwakang tatimbang, uthawi pamutus babawos sanè yogva kaputusan sajroning Dèśa pakraman. Yan tan kasiddhan kabawosan Desa, prakanggen Deśa mitudun prakanggen Dèśa mituduhang mangda ngaturang ring guru wisesa mangda kabawosan.

4. Mrätyaksa, nulingayang saparipoiah praju u D pakraman uthawi papatusan, kliyang subak, kliyan igayang saparipoiah prajuru Desa, lwire: Kliyang banjar aw papatusan, kliyang subak, kliyang Pura Dalém, Pamangku miwah Dalem, minakadi sanè sawosan sane wentén sajroning wawengkon Desa Pakraman Tanah Aron.
5. Minabdabin Salwiring pamargin haci-haci ring Desa Pakraman Tanah Aron, taler nulingayang krama Desa indiké ngalaksanayang Panca Yajna.
6. Prakanggen Desa wenang nyanggra salwiring pituduh, minakadi saraja karya saking guru wisésa, wérat uthawi ringan, sane yogya katiwak ring Desa Pakraman.
7. Nyanggra saraja kāryya ri taikāla kāryva Agung ring Pura Besakih, salwire sanè patut nyandang pacang marginin.
8. Pinaka dutta pacang matēmuwang babawos ring sang sapisira hugi, yan pайдikan punika kapinēh nyandang pacang marginin.
9. Wenang ngawangunang langlang Desa, sani patut ngalanglangin saraja kāryya Desa, nulinga katrēptyan sawewengkon Dèša Pakraman Tanah Aron.
10. Prakanggen Desa patut mawintén, majaya-jaya ring Pura Pusēh Desa Pakraman Tanah Aron Dewasa pawinténan manut pamutus pasamuhan Desa ri tatkala ngadēgang Prakanggen Desa inucap.

Pawos 11

Phalapeksa Prakanggen Deša:

1. Wenang polih tuwas-tuwasan.
2. Miwah sane sawosan manut pamutus paruman uthawi pasamuhan Desa

Pawos 12

Prakanggen Desa, kagentosin uthawi husan, majalaran antuk:

1. Séda
2. Mabukti sungkan rahat tur suwé
3. Mapinunas sangkaning rahayu, sasampun polih lugraha
4. Sangkaning iwang pemargi uthawi nilar sasana.

Palet 3

Indik Sangkepan uthawi paruman, miwah pasamuhan.

Pawos 13

Mungging sangkepan uthawi paruman minakadi Pasamuhan, sajroning wawengkon Desa Pakraman Tanah Aron, kadi ring sor puniki:

1. Sangkepan uthawi paruman Desa Pakraman Tanah Aron, magēnah ring Pura Puseh Desa Pakraman Tanah Aron, sanunggal dina Anggara Kasih. yan tan kasiddnan rahina punika, wenang rangkadang apanutan, tēgēs ipun malih limang rahina saking dina pasangkepane
 - ha. Sanè patut nedunin sangkepan uthawi paruman punika; kliyang-kliyang banjar.
kliyang-kliyang subak. Pamangu Pusch. minakadi san sapisira hugi sane kabuwatang antuk prakanggen Desa.
 - Ka. manggalaning mababawosan sajroning sangkepan uthawi an manggéh panglingsit uthawi bandhesa prakanggen Desa. prakanggen Desa saking palugrahan Bandesa wiyadin salah sanunggal prakanggen Desa saking palug uthawi Kliyang Desa.

- ca. Pamakṣan Pura, sakeha-sakeha sawosan, sané wentens Pakraman Tanah Aron, tan kalugra ngawente dina pasangkepan Desa, yan prad Pasangkepan Desa, yan prade wintén inamurug, ngawentenang sangkepan kaia dina sangkepan Desa, yogya snagkep kawangdeyang.
2. Pasamuhan Desa: Sang yogya nedunin Pasamuhan Desa punika, pingajeng sang patut sareng sajroning sangkepan Desa, mawéwéh Kliyang-kliyang Pura Kahyangan Desa, Kliyang-kliyang Pamaksan Pura sawosan sajaba Dadya uthawi Pamrajan, kliyang-kliyang sakeha truna-truni, minakadi sang sapasira sane kabuwatang, manut pangundang wivadin panuhur Prakanggen Désa.
- ha. Pasamuhan punika kawentenang pinih sor ngalih tēmwang, mungging dina minakadi gēnah pasamuhan punika, nganutang Desa Kala Patra. mawit saking pamutus babawos sangkepan uthawi paruman Desa.
- na. Pasamuhan dados kawentenang padgatakala, manut wērāt wirasane sané pacang kabawosang, mawit saking pamulus babawos pararem sajroning sangkepan Desa
3. Sangkepan Banjar, pamaksan pura, sakeha subak, sakéha-sakeha sawosan sané wentén sajroning Desa Pakraman Tanah Aron kawentenang manut Awig-awig, paswaran nyane sowang-sowang, naging hugi mangda pungkuran ring sangkepan Desa.

Pawos 14

Tata kramaning sangkēpan uthawi paruman, miwah Pasamuhan:

1. Saya patut makta pasayaan, tēgep hétéh-étéh pasayaan salwir inun minakadi naturan canang pabawos miwah canang panyacak. saha pasegehan.

2. Yan kapatut pacang nganggen babantĕn sakabwatan, prakanggen Desa, yogya mituduhang mangda cumawis, saha nyuksrahang padagingan ring sang kapituduh makaryya babantĕn ika.
3. Penyarikan Deśa wenang nĕpĕk tĕngeran ping kalih:
 - ha. Kaprathama, sadurung ngawit upacara uthawi maturan, pinaka pakeling mangda gelis carĕm.
 - na. Sasampun carĕm, ngraris haturan punika kahantĕbang, mabriyuk muspa sareng sami kantos puput.
 - ca. Ka ping kalih, swaran tĕngĕrar maka cihna sangkepane samput ngawit.
4. Babawosan sajroning sangkepan wiyadin pasamuhan, hugi ngupadi karahayuan jagat, minakadi ngarajĕgang kamuruban Sang Hyang Widhi, majalaran bhawa lakṣana manut catur drsta lwir ipun: Dĕśa drsta, loka dista, kuna drsta, miwah sastra drsta.
5. Yan wĕntĕn sinalih tunggal krama ngatĕngahang babawos, jroning sangkĕpan, yogya kadamayakang, yan nyandnag bawosin, yogya rinawosan. Yan tan nyandang bawosin, hantukang ring sang ngamimitin.
6. Sanĕ kinucap pamutus babawos, wiyadin paswara jroning sangkepan, paruman minakadi pasamuhan, yan briyuk sapaggul hanut sang nyangkepin, yan tan sapunika, asing akehan wĕnang turut manut mutus babawos yogya kalekitayang, kalaksanayang manut panglokika. Pamutus babawos yogya kalekitayan hanggĕran ipun.
7. Yan tan puput babawose sajroning sangkepan kantos ping tiga sangkepane patut katĕngahang ka jroning Pasamuhan, pamutus babawos saironing pasamuhan pinaka pamutus pamĕkas.
8. Sargkepan punika kabawos sampun pupu sayā hurak, saha sĕmpun mabacak. puput, yan sampun nimbalang pagilihsaya hurak saha ampun mabacak

9. Rikala ngemargian sangkepan , krama desa tan kepatutang masura gora makarya biuta, uthawi matilas sadurumh puput sangkepan sajawaning sampun kalugra oleh prakanggen Desa

Palet 4

Indik Kulkul

Pawos 15

1. Sajroning wawengkon Desa Pakraman Tanah Aron, wèntën babacakan kulkul, kadi ring sor puniki:
 - ha. Kulkul Desa kaba wos Tétèg-agung:
 - na. Kulkul Pura;
 - Ca. Kulkul Bañjar;
 - ra. Kulkul Sakeha-sakeha sawosan.
2. Mungguwing swaran kulkul punika mangda mabhina-bhinayan, sawiji sowang, manut sor singgih. Yan wentën swaran kulkul patèh, karun wiyadin sawer, mangda kapastika salah sawiji antuk sang madruwé.
3. Nèpèk kulkul manut Tri Brāta Sandhi: Dharmma, Sima, Lakṣana. Tègës ipun:
 - ha. Dharmma; swaran kulkul maka cihua wiyadin tatängër upacāra Agama wiyadin yajña.
 - na. Śima: swaran kulkul maka cihna wiyadin tatänger Pañca-bhaya.
 - ca. Laksana: swaran kulkul maka cihna wiyadin tatängër patědunan.
4. Indik tetepokan kulkul manut pasobhaya kuna dresta, minakadi paswara

5. Hunggwan nĕpĕk Kulkul: ha. Yan nĕpĕk kulkul tatāngĕr patĕdunan, hugi kulkul sanĕ kaddruwe antuk sakeha, krama, sanĕ pacang tĕdun, katĕpĕk antuk sang patut ngulkulang.
 - na. Yan nĕpĕk kulkul tatāngĕr Pañca-bhaya, wĕnang sahunggwan hunggwan, asing nampĕk gĕnahĕ. Wĕnang katĕpĕk antuk sang rihinan manggihin bhaya punika, minakadi saking patuduh sang ngawiwĕnangang
 - ca. Yan nĕpĕk kulkul tatāngĕr upacara Agama, Dewa Yajña, Bhuta Yajña, Manusa Yajña, Pitra Yajña, wĕnang kulkul sanĕ wĕntĕn ring swangswang gĕnah upacara. Yan nyĕclang kulkul sawosan patut wĕntĕn palugrahan sang ngawiwĕnangang.
 - na. Yan kālaning ngalungayang Bhatara, mendak Bhatara, Bhatara turun kabĕh, kālaning pacaruan Deśa, sami kulkul sajroning Desa dados swarayang, tatĕpĕkan manut krama
 - ka. Yan wentĕn sinalih tunggal mamurug, nĕpek kulkul tan manut krama. yogya kabawosan antuk Prakanggen Desa, kawiwakan panglokika, saha pamidandha manut paswara.
6. Caciren tatĕpakan kulkul uthawi suaran kulkul:
 - ha. Menjangang Pasangkepan Desa, kabawos nguwet, masuara atulud.
 - na. Rahina Sangkepan Desa, kabawos nedunang krama Dĕśa, masuara atulud.
 - ca. Atuludan lambat. kabawos nedunang Krama Desa ngayah ke Pura.
 - ra. Kalih tuludan, kabawos tatānger wĕntĕn kapandungan.
 - ka. Tĕpĕkan bulus, kabawos tatānger biota uthawi wĕnten baya.
 - da. Kulkul nadak atulud.

Palet 5

Padruweyan Desa Pakraman Tanah Aron.

Pawos 16

Sane kadruwe antuk Desa Pakraman Tanah Aron, lwire:

1. Pura Kahyangan Desa: ha. Pura Pusèh asiki, Pura Dalem asiki, Pura Balè Agung asiki na. Pura-pura sawosan: Pura Batur
2. Palemahan sanè kahanggen karang pomahan, miwah telajakan karang
3. Palēmahan sanè kaanggen sètra pakraman
4. Paleniahan sanè kaanggen margi, rurung-rurung, basarg paluh, sajroning Desa Pakraman Tanah Aron
5. Pañjar Pakraman sanè wènten saironing Desa Pakraman Tanah Aron
6. Tanah palabha Pura Pusèh Desa Pakraman Tanah Aron, miwah tanah Ayahan Desa manut lekitan tanah punika.
7. Sakancan kalèbutan toya, toya anakan, tihisan, sanè dados kahanggèn pasuciyon Bhatara, sanè dados kahanggèn beji, miwah kasalud antuk krama Dèsa, sane dados tatan ka Desa Pakraman, sami kadruwè antuk Desa G9 Pakraman Tanah Aron.
8. Lembaga Perkreditan Desa
9. Gong
10. Gambang uthawi Slonding
11. Arca uthawi Pralingga
12. Sehananing padruwéan Desa Pakraman Tanah Aron, tan kalugra ngadol uthawi ngesahang

Palet 6

Indik Bhaya

Pawos 17

1. Sanè kinucap Pañca-bhaya, lwir ipun: Jiwa bhaya, aghni bhaya, toya bhaya, artha bahya, bhayu bhaya.
2. Salwiring bhaya wěngang gégèrang antuk swaran kulkul.
3. Sang sapisira hugi krama Dèsa sanè manggihin, wyadin huning ring panangkaning bhaya, ring kang katibèn bhaya, wěngang ngègèrang nĕpĕk kulkul manut indik kakulkulan bhaya, raris damnyakang ring wedèsa.
4. Ri kĀla wneten swaran kulkul bulus tatenger bhaya, krama Dèsa patut yatna, sayaga, saha sregep ngamong prabot wiyadin gagawan sowang sowang.
5. Yan sĀmpun tata ring bhaya punika, krama Desa patut matatulung nambakin, wiyadin ngamesehin bhaya punika, manut hunggwan, kalih manut patuduh sang yoga ngawiwenangang.
6. Sang sapisira hugi tan kawasa majajabur ri kalaning Dĕša, krama Dĕša, katibèn bhaya. Yan wĕntĕn sinalih tunggal kacirĕnan mamurug, yoga katengahang ka Deša, wiyadin katur ring sang amawa bhumi, mangda kabawosan
7. Yan pinganan bhaya punika sĀmpun kapindh nahnah, tan pacang nyĕngkalĕn, wĕngang kacihnayang antuk swaran kulkul lambat atuludan. wiyadin pasiyar saking sang ngawiwenangang.
8. Yan pradĕ ring Pura Kahyangan Desa Pakraman Tanah Aron kahanan bhaya patut Desa nglaksanayang Bhuta Yajña uthawi Pangrsighanaan.

Palet 7

Laluputan

Pawos 18

1. Luput piturunan punika matègës tan keni piturunan salwir ipun ri tatkala Desa Pakraman Tanah Aron ngangkat karya maprabéya saking piturunan Krama Desa Sapunika talēr ri tatkälaning ngaci-aci salwire sanè dados hempona, krama Dèša sareng sami.

Palet 8

Panyanggran Banjar, Krama Desa

Pawos 19

1. Saraja käryyan Bañjar kasanggra antuk krama bañjar kahundikayang antuk Kliyang Banjar.
2. Saraja käryyan Desa, kasanggra antuk krama Desa, kahunadikayang antuk Prakanggén Desa, krombo antuk Kliyang Banjar.

CATURTA SARGGAH

SUKRETA TATA PALĚMAHAN

Palet 1

Indik Tegall lan Karang

Pawos 20

Palemahan Desa Pakraman Tanah Aron, mahuger antuk Tri Mandhala, lwire:

1. ha. Utama mandhala: palemahan sane kaanggen karang pura, wiyadin Parhyangan
na. Madya mandhala: palemahan sand kaanggen karang pomahan, genah
wawangunan, sakadi: banjar, sekolah, kantor, miwah sanè sawosan.
ca. Nista mandhala, palemahan sand kaanggen setra, marggi, rurung, papunduk, tulak
tanggul, miwah sanè sawosan. Sahanan palemahan sanè wèntèn ring wawengkon
Desa Pakraman Tanah Aron, yogya mangda madruwe babalèdan wiyadin watēs sanè
pasti.
2. Sahanan palēmahan punika, hugi nangda madruwe marggi, rurung, papunduk sanè
dados hentsin
3. Yan wèntèn pakarangan pura, pomahan, tegall, miwah palēmahan sawosan kabebeng
tan madruwe marggi, rurung, miwah papunduk, sang madruwe patut ngatāngahang
babawose ka Deša. Prakanggèn Dosa yogya nēgdeg, ngutsahayang mangda polih
marggi malarapan sami suka. Yan patut matumbas, manut pangarggan tanan sanè
kamanggehang antuk sang mawa rāt, sami katahur sang mamuwatang,
4. Yan Desa pacang ngalinggahang marggi, rurung, minakadi makāryya marggi, rurung
Désa, saking sampun hingkup paswaran Desa, yan nganggen tēgal, miwah palēmahan
sawosan, wenang tan nahur pangarggan tanah punika. Nanghing yan madaging
tatanduran, papayon, wawangunan salwire, Désa patut ngicchen prabeya agung alit
manut pamutus parembug Deša kāla punika
5. Sahananing karang pomahan hugi mangda masčngkér, pidabdab nyengker, magelang
ka dulu. Panyengker sanè sisi kangin, miwah sisi kaler, patut

kakāryyanin antuk sang ngēnahin karang punika. Sajaba karang ngēle, wiyadin lingkehin rurung, palēmahan suwung.

6. Sang sapisira hugi ngenahin karang tegēhan, patut naku, tēgèhè asukat natah dangsah, sanè tēbènan, wenang nyusunin tembok
7. Telajakan karang patut kapiyara antuk sang ngēnahin karang punika sowang-sowang, mangda mapikēnoh tur kantēn hasri.
8. Yan wènten sinalih tunggal nyadhya nyalēksek wiyadin ngalēklék babalèdan salwiring babalèdan wiyadin wawatēsan, lwire: babalèdan wiyadin watēs pura, karang pomahar, tēgall, sètra, margi, rurung, papunduk, miwah sanè sawosan, yogya katiwakan dandha manut wērāt ringan kahiwangane, saha mahayu sanè kasalēksek wiyadin kaleklék, kalih mrayascitta sakabwatan sanè nyandang katibanan pañangaskara.
9. Yan hana sinalih tunggal ngaletihin, ngarucakin, ngarobedin, ngararabin, palēmahan liwaring pomahan padruwèyan nyane, lwire: ngutang luu, bangkaan, miwah salwiripun, ñorongang babañon, yogya katiwakan dandha gung artha manut paswara, tur mahayu sanè keletehan, karucakan, karobedan, raraban hinucap ring hajeng, saha prayacitta sanè nyandang keni pañangaskara
10. Yan wèntén anak ngēnahin palēmahan sajroning wawengkon Desa Pakraman Tanah Aron, tan tinut makrama Desa nganutin Awig-awig miwah paswaran Desa, tan kalugra nganggèn salwiring padeweyan Desa, tan kalugra ngalaksanayang Pañca Yajña sajroning Desa Pakraman Tanah Aron. Tan polih panyanggran krama bañjar minakadi panyanggran Deśa.
11. Yan wèntēn anak tan ma-Agama Hindu ngēnahin palēmahan sajroning Desa Pakraman Tanah Aron, patut nganutin paswaran Desa Pakraman Tanah Aron. Yan mamurug. yogya katiwakin dandha, gung arta manut paswara.

Palet 2

Indik kakayonan

Pawos 21

1. Tan kalugra nekteb, ngareban, wit-witan salwir ipun, ring palasan, patégallan, habing, tangkid, miwah gěnahe sawosan sanè kakeker antuk! Desa. Yan wentěn sinalih tunggal mamurug, katiwakan dandha manut lokika, manut paswara, tur taru sanè karebah mantuk ka Dèsa.
2. Saluwiring wit-witan sanè sampun kacirenan wiyadin kasawenin antuk Desa, pacang manggè mawawangun ring Dèsa, pradène punika karebah antuk sang madruwè, yoga sang madruwe katiwakan dandha, manut lokika, manut paswara, taru wiyadin wit-witan sanè karebah mantuk ka Dèsa, wiyadin ngetang pangargga.
3. Yan wentěn wit-witan wiyadin kakayonan ngungkulin palēmahan anak sawos, sanè ngawinang tiyeb, tampyas, ngarobedin, asing kungkukan wěnanng ngatengahang ka Desa, prakanggen Desa maritatas saha mituduhang sang madruwe mangda ngrancap, nekteb, wiyadin ngarebah. Yan kantos ping tiga pituduh Dèsané tan kalingu, wěnanng katiwakan dandha sang anikel tuduh, gung artha manut paswara. Kakayonan punika prasiddha karebah antuk Desa picundhangan.
4. Tanem tuwuh jroning karang pomahan, tan kalugra tegeh ipun lintangan ring jan palit solas, wiyadin limang meter. Bungkil ipun adepa agung, wiyadin kalih meter tengah saking panyengkere agajrowang. Yan mamurug, wentěn raris ngatengahang ka Desa, yoga sang madruwe katiwakan dandha gung artha manut paswara, saha ngerebah, sajroning tigang rahina saking pamuput babawose.

5. Kakayonan jroning karang pomahan hugi mapyara mangda tan ngaletihin, ngarobedin, mamayen karang sawosan, saking akah kantos dawun ipun. Yan wènten mamaurug, tan tulinga ring kakayonan duwe, wentèn ngatengahang ka Dèsa, prakanggèn Desa yogya maritetes, saha nepasin manut panglokika kalih paswaran Dèsa.
6. Yan wentèn wit taru mentik kantos ageng ring babalédan, watès, salwiring babalédan mwan watès, wènten ngatengahang ka Deša, patut taru punika karebah, raris piara tiga, apahtigayan mantuk ka Deša, sang madruwe babalédan apahtigayan sowang-sowang.
7. Yan wènten sinalih tunggal nundungin tanem tuwuh, kakayonan, sane kaswantah pacang mamayen, wènan kabawosang ring sang madruwè, yan hakas sang madruwè, yogya katengahang ka Dèsa. Prakanggen Des nēgdēg tanem tuwuh wiyadin kakayonan punika. Yan manut panglokika prakanggèn Desa yogya tundungin, taler hakas hakas sang madruwè, patut sepat gantungin. Yan jati kadi pañwatahe, yogya sajroning tigang dina, karebah picundhangan. Sang madruwe katiwakan dandha gung artha manut paswara, dosanè anikel tuduh. Yan tan yukti kadi pañwatahe, sang ngatengahang katiwakan dandha gung artha manut paswara, dosane angadakaken nora, tanem tuwuh wiyadin kakayonan punika tan karebah.
8. Yan wènten sinalih tunggal nyadya nandur pijer, turus, salwiring tanem tuwuh wiyadin kakayonan sanè pacang dados ageng. nese ring babalédan, ring watès, papunduk, hugi mangda masupekša ring Prakanggen Deša, kalih ring panyanding sowang-sowang. Yan tan kalugra, tan kapisukayang, pradènè taler kapurug, yogya sang mamurug katiwakan dandha gung artha manut paswara, tur ngamademang tatanduranne.
9. Yan wènten krama nandur pijer ring tégall sasakapan, hugi mangda makāryya pasobaya ring sang madruwe tēgall hinucap. Yan durung pinganan mawoh tubuh punika, durung nahen ngalapin who ipun, raris

kajabutan, yogya sang madruwé tēgall nahur panjala sa wit-sa wit, gung! artha manut paswara

10. Sang sapa sira hugi nyakap tegall, tani kawasa ngarebah tanem tuwuh sane dados anggen lakar wawangunan, yan tan polih lugra saking sang madruwe tēgall punika
11. Sang sapa sira hugi, tan dados ngrusak, minakadi: ngarebah taru, nunjel, miwah memandung taru sane ngawinang alase rusak.

Palet 3

Indik Wawangunan

Pawos 22

1. Sang sapisira hugi krama Desa, sasewengkon Desa Pakraman Tanah Aron. yan pacang ngawangun panyengker karang pomahan, patut masupeksa ring panyandinge. Yan tan radi, yogya nunas segsegan ring Prakanggen Désa. Prakangigen Desa negdeg saduhiajeng, sang mawiwara,
2. Wawangunan ring palemahan pecak tegall, palemahan suwung, sane sampun masanggh pawon, palēmahan punika prasiddha kabawos karang! pomahan, dwaning sampun katiwakan pangupakaran karang, awanan patut madruwe urung betel ka marggi agung, sukat dados pacang ngalintangang papaga, dwaning tan kapatut ngalintangang sewa ring carik miwah tegall. Yan wenten mamurug, yogya prakanggen Desa niwakang tatēpasan. mangda sang mamurug mrnyascitta palemahan hinucap sanè kalintangan
3. Yan tan masanggh panghuning karang, kabawos akakubon, tan yogya genah ngraksa sawa. Yan wenten mamurug, yogya katiwakan pamidandha manga mrayascita palemahan punika

4. Yan wèntèn sinalih tunggal sang sapisira hugi, pacang ngawangun wawangunan gènah ngalaksanayang upacara Agama, lwirè: Pura, Masjid, Gereja, Wihara, miwah sanè sawosan, hugi mangda wènten lekita palugrahan Prakanggen Dèsa, kalih lekita palugrahan Guru Wisèsa. Yan wentèn mamamurug kadi inucap ring hajeng, kabawos tan siddha käryya, tan wěnanng anggenen, tur wawangunan punika yogya wangdeyang.
5. Wawangunan jroning karang pomahan, hugi nganutin tri-mandhala. Uthama mandhala, sanggar panghuluning karang. Madhya mandhala, pagěnanahan mapumanan. Nista mandhala, ngaran lebu, jabayan.
6. Tan wěnanng ngungkulng capcapan wawangunan ka jroning karang pomahan sawosan tani druwe. Yan wèntèn mamurug, wentèn rgatāngahang ka Desa, yogya prakanggen Desa nègdeg, saha nyipat gantungin. Yan jati lintang, sajroning selahe rahina saking puput babawose mangda sāmpun kapastika.
7. Tan wěnanng nganggèn tembok umah wiyadin tembok panyenger tani druwe. Wěnanng ya kasambatsara antuk sang madruwe. Yan hakas tur mamurug sang kasambatsara, yogya katengahang ka Deša, kabawosan antuk Prakanggen Deša.
8. Sang sapisira hugi pacang mapawangun nepi ring marggi agung, nepi ring rurung Désa, yogya wèntén lekita palugrahan saking prakanggen Desa, wiyadin lekita palugrahan sang amawa rāt. Yan tan polih lekita palugrahan, padgatakāla wawangunan punika dados katundung tan ngetang prabeyan tatundungan
9. Sang sapisira hugi krama Desa ngawengku karang pomahan, yogya hurāti myara kahasriyan lebu pekarangannya, rurung pentasan pinih sor asukat karangnya ngalajur.

Palèt 4

Indik Wawalungan

Pawos 23

1. Sanè kinucap wawalungan, sakañcan buror suku-pat sanè kapyara, sakadi, bawi, banteng, kambing, kebo, misa, jaran, miwah sapanunggilan ipun. Talēr watek makampid, sanè nyajña kapyara, sakadi, ayam, itik, hangsa, dolong, miwah sabacakanipun
2. Sang sapisira hugi krama Desa sanè mariara wawalungan sukupat, sajaba hasu, tan wěnanng ngalumbar. Sanè patut matlusuk, mangda matlusuk, sanè tan patut matlusuk, mangda mategul bawong. Sanè patut maglogor, makandang, hugi mangda maglogor wiyadin makandang. Mangda tan ngarucakin, ngaletihin palēmahan tani druwe, miwah mamayen krama Dèša, jana pana. Yan hasu mangda mabelat, lwirè makalung bawong, maka cihna wentěn sanè myara.
3. Sang sapisira hugi krama Desa, myara watek suku kalih, watek makampid, yatnain hugi, mangda tan banget ngarucakin, ngaletihin, palēmahan, pomahan, tatanduran druwèn anak sawos.
4. Tan wenang ngangonang, negulang, hingon-ingon ubuh-ubuhan, ring palēmahan tan druwe, minakadi tən sasc kapan druwèan tan kapisukayang. Sanè madruwè palēmahan, prakanggèn Desa, langlang Desa, kliyangkliyng, asing mamanggihin, wěnanng nyambatsara sang madruwe wawalungan ika. Yan bakas sang kasambatsara, wawalungan ika wěnanng taban. Prakanggèn Desa yogya niwakang pamidandha, manut lokika, gung artha manut paswara.
5. Tan wěnanng ngangonang, negulang ubun-ubuhan, ring palemahan karang pura, kahyangan salwir ipun. Minakadi setra, rurung, papaunduk, margi, tlajakan tan druwe, palēmahan sanè kapingitang, karang suhung, miwah

sabacakan ipun. Yan wenten mamurug, sang adruwe palemahan, pakanggan Deša, langlang Desa, kliyan-kliyan banjar, prajuru Désa sinalih tunggal, asing mamanggihin, Wenang nyambatsara, saha naban wawalungan ika. Katengahang ka Deša, katiwakan dandha gung artha manut paswara, saha mahayu yan wentén karusak, tur mravascitta palemahan ika sanè nvan prayascita manut panglokika.

6. Yan wentén maubuh-ubuhan sajroning karang pomahan, hugi tlajan mratyakšayang kandang ipun, mangda tan ngawetuang bhaya, panyungkan. Taler mangda hapik, guriten, siksa, mangda tan kantos ngaletihin, ngarobedin, crobo karang pomahan wiyadin palēmahan panyandinge. Yan wentën panyandinge nyambatsara.wenang katengahang ka Desa, prakanggan Dèša nepasin. Wěnanng katiwakan dandha manut panglokika kalih paswaran Desa
7. Sang sapisira hugi krama Deša, ngawangunang kandang wawalungan, buwat adol atuku, yan kandang ayam, itik, miwah sapanunggilan ipun, buwat naluhang, miwah adol atuku. Dagingan satus ukud. Yan kandang wawalungan suku pat, dagingan adasa ukud, sowang-sowang, ika wěnanng jroning karang pamohan. Yan lintang ring punika daging kandange, tan wěnanng wangunan jroning karang pomahan, yogya kawangun ring palēmahan sanè mawaneng sa sor ipun satus depa saking palēmahan karang pomahan, sekolah, kantor, pura kahyangan, minakadi gěnah sanè kakeker wiyadin kapingitang antuk Desa Pakraman Tanah Aron tur mangda maduwè lekita palugrahan saking sang amawa bhumi.
8. Yan wèntën wawalungan ngarucakin, ngae rug tatanduran, wěnanng taban. Sang madruwè tatanduran ngatěngahang ka Dèša pramangkin, kabawosan antuk prakanggèn Desa, saha katiwakan dandha manut lokika paswaran Dèsa.

9. Yan godel banteng, godel kebo, godel misa, durung matlusuk, godel haran, kambing, miwah sabacakan ipun, durung hantes mategul, tan wěnanng taban, yan tan ngajal hinan ipun, yogya salabarang ring sang madruwe.
10. Yan bébék, dolong, hangsa, ayam miwah sapanunggilan ipun, ngarucakin tatanduran taler wěnanng taban. Indike naban, mangda masaksi, saha kasupksayang ka Desa pramangkin, prakanggen Desa yogya mamawosin, niwakang pamidandha manut panglokika.
11. Yan wěntěn wawalungan ngeleb, mamegat, ngaranjing palemahan pura, kahyangan, setra, karang pomahan, miwah sanè sawosan, lokikanen juga. Yan tan nadya kalebang, wěnanng taban, tur katengahang ka Desa
12. Sang sapa sira hugi krama Desa Pakraman Tanah Aron tan kalugra ñorongang babañ babañon lalateh kandang wawalungan ka palemahan pura, karang pomahan, muah siosan, sanè wěnten sajroning Desa Pakraman Tanah Aron. Yan wěntěn mamurug, katiwakan dandha antuk Deśa gung artha manut lokika, saha paswaran Dèsa. Tur sajroning pitung rahina saking pamuput babawose, salantur ipun tan kari sorong lalateh miwah babañon punika
13. Sakañcan dadandhan, dadosan, sanè mungguh ring hajeng, sami mantuk ka Desa Pakraman Tanah Aron.
14. Sang sapa sira hugi tan dados medil, nglatih, miwah nyaring paksi ring sawewengkon Desa Pakraman Tanah Aron. Yan wěntěn mamurug, wěnanng kění dandha, gung artha manut lokika saha pasuaran Desa.

Palet 5

Indik Rarampagan

Pawos 24

Sanè wěnanng rampag, lwirè, taru sanè mabuwat pacang manggè wawangunan ring Pura Puseh, raramon ron busung, saha minakadi sanè sawosan. Hunggwan kalih pidabdab ngrampag, munggah sajroning paswara Desa Pakraman Tanah Aron.

PANCAMA SARGGAH

SUKRETA TATA AGAMA

Palet 1 Indik Dewa Yajna

Kaping 1

Indik Kahyangan

Pawos 25

1. Pura Push Desa Pakraman Tanah Aron, Balè Agung Désa Pakraman Tanah Aron, Pura Dalem Desa Pakraman Tanah Aron lan Pura Batur Desa Pakraman Tanah Aron.
2. Hulun Suwi, papayon kalih pangaci-aci kahempon antuk krama subak sanè nyungsung Bhatara ring Hulun Suwi pinika sowang-sowang.
3. Pura-pura, kahyangan, sanè sawosan ring sanè kinucap ring hayun, papayon kalih pangaci-aci kahempon antuk krama Dadia lan pura sanè nyungsung Bhatara ring pura kahyangan punika sowang-sowang.
4. Yan wèntěn karecehan, wicara, sajroning pamaksan pura, kahyangan, subak, sinalih tunggal, wěnanang katengahang ka Deša, prakanggèn Desa inamawosin, nyahsahang, nepasin wicarane, mangda kasiddhan mawali landuh jatimula.
5. Tan wennag nguwah nguwuhin wawilangan palinggih Bhatara, sanè sampun wèntěn ring Pura Kahyangan sowang-sowang, mangda kantun manggeh kadi kuna.
6. Yan wentěn pura kahyangan sinalih tunggal, reneng pangaci-acinya, kantos kadasa warsan, yogya prakanggén Desa mamawosin. maritetes.

ngutsahayang mangda kasiddhan mawali kadi jatimula. Nanghing pradè tan kasiddhan, majalaran antuk pamutus pasamuhan Desa, prasiddha Desa ngawangunang pangupacara mralina Pura punika, mangda tan karanjangan kaumahin antuk Ki Bhuta Kubandha.

Kaping 2

SUKERTAN PURA KAHYANGAN

Pawos 26

1. Ri kālaning maturan hamung Pamangku ring kahyangan punika sanè dados mungguh tècun ring palinggih-palingih pura kahyangan hinucap, minakadi sang sampun polih lugraha saking Prakanggen Dèsa. Yan wentèn mamurug, kawiwakan dandha mrayascitta palinggih punika.
2. Pamangku sanè patut ngantebang babantèn ring Pura, wantah pamangku sanè kadruwe antuk Pura punika. Yan nenen wentèn pamangku ring Pura punika, uthawi kapyalang, dados nyarad pamangku sawosan, saking palugrahan Prakanggen Désa.
3. Tan kalugra masumpah, macoran, sajroning pura kahyangan sinalih tunggal, sajaba sangkaning wicara pura hinucap, talèr saking pabuwat krama pamakşan Pura, uthawi pabuwat Krama Desa sanè ngempon pura punika
4. Tan kalugra wak capala, hasta capala, pada capala, miwah sapanunggilan ipun, sajroning pura ka pura kahyangan. Yan maciha wenten mamurug, wenton raris ngatengahang ku Deśn, yogya tiniwakan daᅇdha pamarisuddhan kadhyangan
5. Tan kalugra malaksana kantos ngawetuang byota ring pura kahyangan. Yan wenten mamurug, kantos maywadi ring pura, yogya tiniwakan dandha gung! artha manut pangarggan beras adasa kg. Kang sawiji, saha marisuddha kahyangan punika

6. Sang sapisira hugi kacuntakan, salwiring cuntaka, yan durung mabresih, tan kalugra ngaranjing ka Pura Kahyangan. Yan katenger wèntèn mamurug, yogya tiniwakan dandha marurisuddha kahyangan punika.
7. Sedahan hengengan iniwah sapanunggilan ipun tar. kalugra maseha ring Pura Kahyangan sinalih tunggal. Yan wèntèn inamurug, yogya dandha
8. gung artha manut paswara, saha ngawangdeyang maseha. Tan kalugra ngawentenang kalecan, jajuden, sajroning suter pura kahyangan. Yan wèntèn mamurug, sang rgalaksanayang katur ring sang amawa rāt, tur kaklecan jajuden punika kawangdeyang.
9. Tan kalugra makta salwiring sanè kasinangah tan suci ngaranjing kajroning suter Pura Kahyangan. Yan wèntèn mamurug, yogya sang mamurug marisuddha Pura punika.
10. Sang sapisira hugi ri kälaning makemit, ring Pura Kahyangan, yan merem, tan kalugra madukan lanang istri, sajaba anak sané kapineh kari alit durung rumaja putra. Yan mamurug ken dandha manut pasuaran Dèsa tur mrayascita pura punika.
11. Pamaksan sowang-sowang Pura Kahyangan sawawéngkon Dèsa Pakraman Tanah Aron kalugra madruwè sukreta ndiri-ndiri, nanghing tan dados singsal ring pasukrētan Desa Pakraman Tanah Aron.
12. Pura Kahyangan tan wěnanng anggen sajaba ngalaksanayang upacara Agama Hindu. Yan wentèn mabhukti mamurug, sang malaksana kawangdeyang, tur pakarddhinne kapusēh, saha sang ngalugrahin kadandha manut pasuaran Deśa, maweweh ngawentenang upacara pañangaskara pabresihan.
13. Yan wèntèn macihna anak wiyadin sang sapisira hugi, katēdunan uthawi kapangluh sajroning pura kahyangan sawawéngkon Desa Pakraman Tanah Aron, mababawos minangkenang pangandikan Ida Rātu Sasuhunan uthawi Bhatara, ring gelis tunasang tirtha laluputan mangda gelis hudep. Prade

sasampun kaketisin tirtha, kantun ngatemel masera-sero, ngawetuang sumandeya kayun pamaksanè, irika patut pintonin. Indike mintonin, mbilang roya apane, selebang lima nyane makakalih. Yan mabhukti tan belus, nyandang gega pangandikan Bhatara. Yan pade belus, tan nyandang gega, gelisang gingsirang gënahang mangda doh saking pura punika.

Indik Dewa Yajna

Pawos 27

1. Indik pangaci-aci ring Pura Kahyangan sanè wèntén sajroning wawengkon Desa Pakraman Tanah Aron, kahemongin antuk krama Desa, manut hemponan wiyadin pamakşan sowang-sowang pura madruwè gagaduhan, pinaka huger pangaci-aci, miwah babantën.
2. Sanè yogya muput haci-haci punika, Ida Padandha sanè katuhur antuk krama Pura sowang-sowang, minakadi Pamangku Pura ring Pura hinucap.
3. Yan wèntën sinalih tunggal pura durung madruwè pamangku, uthawi pamangkune kapyalang, dados nuhur sinalih tunggal pamangku Kahyangan Desa, pradè talër tan mresiddhayang dados nuhur pamangku sawosan manut sima sahunggwan-ungguan.
4. Pamangku Dèsa, punika wantah Pamangku Pura Puseh, Pura Dalēm, Pura Dèsa, sanè wèntën sajroning Desa Pakraman Tanah Aron, kalugra nganteb banten pangodal minakadi sanè sawosan ring Pura-pura sawawengkon Dèsa Pakraman Tanah Aron sanè mamuwatang, taler manut kawënanan Pamangku.

5. Ri tatkala Desa ngawangun kärva Tabuh Gentuh, Bhatara Turunkabéh, minakadi karyya agung sawosan. Desa wēnang ñarad pamangku-pamangku kahyangan sakatahe, pacang ngarombo Desa.

Pawos 28

1. Indik pangaci-aci ring Pura Pamrajan, Paibon, Dadya, punika kalamongin antuk krama Desa sajroning sakéha dadya, pamrajan, manut sima drstanya sowang, tan singsal ring ucaping sastra Agama Hindu.
2. Ri tatkala Bhatara turun kabeh, makiyis, pamrajan, pahibon, dadya, tan sareng ngalungayang Bhatara, nanghing hugi mangda ngiyas pura saha ngadēgang Bhatara uthawi nyejer,
3. Yan wenten sinalih tunggal beji tan kahaci-acinin, toyan ipun tan yogya anggen sadhana makaryya sarwwa suci.

Pawos 29

Aci-aci, Piodalan

- ha. Aci metamiyu uthawi mangkon ring Pura Kahyangan Deśa, kāla dina Tilem Kasanga
- na. Aci majagra, kālaksanayang ring pempatan Desa Pakraman Tanah Aron ala dina, Tilem Kesanga.
- ca. Pasegehan uthawi caru sanak kalaksanayang ring Banjar Pakraman Tanah Aron, kālaning Tilem Kesanga.

Pawos 30

Adi-aci. Piodhalan. Usabha. Paseoehring Desi Pakraman Tanah Aron ning Kahyangan

Desa. Iwire: -

- Pura Puseh, kāla dina Purnamaning Kapat
- Pura Dalēm miwah Prajapati kāla dina Tilem Kedasa
- Pura Batur, kāla dina Purnamaning Kepitu
- Pura Desa Balè Agung, kala dina Purnamaning Kasa

ha. Aci-aci kasanggra antuk Krama Desa, krama pura uthawi Pamakşan Pura sowang-sowang.

na. Luwiring babantĕn, minakadi heed upacara manut gagaduhan drsta kuna sowang-sowang pura.

ca. Padagingan pacang aci-aci:

- Hupon-hupon palaba pura, tanah druwen Desa Pakraman Tanah Aron
- Piturunan uthawi wawijilan krama Desa
- Pioliĥ-oliĥ pagunakayan krama Desa
- Haturan-haturan sangkaning krama suka nirmala ra.

ra. Pasegeh tunggil kajeng kliwon, purnama tilem, kasanggra antuk Pamangku sowang-sowang. Padagingan saking druwe pura, pamakşan, kahantebang antuk pamangku pura sowang-sowang.

ka. Sane kalugra muput salwiring haci-haci ring Desa Pakraman Tanah Aron, Pura Dalēm miwah Prājapati Desa Pakraman Tanah Aron, Pura Desa Desa Pakraman Tanah Aron wantah Ida Padandha sané katuhur antuk Désa. kasanggra antuk Pamangku Desa.

da. Ri kala kabrebehan jagate, kagringan, katiben pañca-bhaya, pinganan tan mresiddhayang ngaturang haci kadi patute, yogya prakanggen Désa miwah

pemangku, ngaturang piuning ring Bhatara, masadhana babanten padhatengan. Pacanangan, maka cihna tan pegat haci-acine. Ri wus mawali degdeg jagate, patut ngawangunang upacara bhatara Turunkabèh, masasirih makakobok ka Sagara Giri.

ta. Yan ri tatkalaning mamahayu, ngayum papayon, ring pura-pura kahyangan, pinganan fan puput kāla dinaning piodhalan, pangacine wěnanng rangkadang, nanghing padhatengan, pacanangan, tan dados pegatang. Ri wus puput masasapuh salwirè, malih mawali kadi kuna.

sa. Rikāla kabrebehan uthawi kageringan jagate, prakanggen Désa lan Pamangku Desa Pakraman Tanah Aron, ngawentěnanng paigum pacang ngalaksanayang Aci Masungga Puling nyatur Desa, Egelantur nyobiahang ring krama Desa.

wa. Sajabaning pangaci-aci ring ajeng, sanunggil limang warsa, kālaksanayang upacara Ngantah ke Desa Pakraman Tenganan, kāla dina Purnamaning Kapat, Ngaraniya Usabha Nyungsung.

Kaping 3

INDIK PAMANGKU

Pawos 31

1. Sang sapsira hugi pinaka jan banggul pamangku ring Pura Pusēh Desa Pakraman Tarah Aron, minakadi ring Pura Kahyangan sajroning Desa Pakraman Tanah Aron, mangda pageh ngamel kalih ngalaksanayang sasanan Pamangku.
2. Sang sapsira hugi krama Desa, sangkaning saserod, pacang kaanggèn pamangku, yan kari alaki rabi yogya lanang istri mawinten.

3. Sang kasudi pacang kaangen pamargku, patut mawinten ring Pura genahe dados jan banggul mungging prabeya kasandangin antuk pamaksan pura sowang-sowang, yan ring Deśa antuk krama Deśane sami.
4. Pamangku patut madruwe hamongan pura sowang-sowang, yan tan madruwe hamorgan pura, prasiddha tan kalugra ngantebang babanten ring pura-pura salire.
5. Sinalih tunggal pamangku yan katekan pati, yogya tiniwaken. Patut polih patulung prabeya atitiwa, saking krama pura sane kahamongin, agung alit patulunge nganutin pamutus babawos sajroning pararēm kāla punika. Yan wus tiniwaken, patut kakāryyanang pangelad, wiyadin papegatan antuk krama pura hinucap. Punika yan pamangkune kari ajeg ngamong swadharmaning pamangku kantos hantaka.
6. Iwas-twasan pamangku, mungguh jroning gagaduhan paswaran Desa, pura swang-swang, taler nganutin drsta kuna.
7. Pamangku kagentosin majalaran antuk:
 - ha. Mapinunas mararyyan, saking patut pinunase, nangghing tan kari nglaksanayang dharmmaning Pamangku. Kawēkas kālaning seda, tan polih patulung prabya atitiwa.
 - na. Saking patut pinunase, majalaran antuk lingsir, sampun tan mampuh, sungkan rahat tan kenin waras, kajadayang antuk krama pura, wiyadin Deśa. Kawēkas kālaning seda, patut polih patulung prabeya patatiwan.
 - ca. Sangkanng kahusanang, majalaran antuk laksana mamurug sasanan Pamangku. Kawēkas kālaning seda tan polih patulung prabeya atitiwa.

Kaping 4

Pawos 32

1. Indik Sosot miwah Haturan

- ha. Yan wènten sinalih tunggal pacang nahur sosot siyadin punagi, salwiring punagi, gumanti sane patut nganggèn pamegat sot, tan dados nahur sosot yan tan kālaning dina piodalan Bhatara, ngadasa dinayang haci-aci, sang pacang nahur punagi patut sampun masadok ring Kliyang Pamaksan Pura, yan ring Kahyangan Désa panahurane, masadok prakanggen Deša. Panahuran punagi ika, kapuput antuk Ida Padandha uthawi Pamangku Desa sasampun putus banten pangodale.
- na. Yan wenten sinalih tunggal nahur sasangi pacang ngaturang pangodal. hugi mangda ring dina pagantosan piodalane. Sang nahur sasangi pacang ngaturang pangodal, hugi mangda ring dina pagantosan piodalane. Sang nahur punagi, wenang nunas kanti patulung karyana ring Krama Desa uthawi Pamaksan. Sang nahur sasangi nyuksrahang daging cumek saprabeyaning pangodal ring pamaksan pura.
- ca. Yan wentèn sinalih tunggal nahur sasangi maturan swaran tangguran salwiring tatabuhan, sasolahan, minakadi salwir ipun, mungwing prabeya punika sami kahangganin antuk sang masasangi.

2. Haturan:

Yan wentèn sang sapisira hugi ngaturang jinah, mwang sarupaning barang, punika sami patut kahunadikayang antuk Prakanggèn Desa, Kliyang Pamaksan Pura sowang-sowang, mangda kasiddhan mapwara hayu. Haturan punika kaunggahang sajroning lekita.

3. Sarin Canang

Sasampun puput pangaci-aci pujawaline, sasarin canang punika kapupulang saha kawilangin. Kahundadikayang antuk Prakanggen Désa, indik tatiwak kalih pamarggin ipun, sangkaning jati nirmala.

Palet 2
Indik Resi Yajña

Pawos 33

1. Krama Diša Pakraman Tanah Aron, yogya ngwreddniyang kaprajñanan, kaultaman Sang Hyang Aji, asewaka nunas pawarah ring sang maraga widagdha prajñan, pingajeng ring sang kasinanggih guru loka.
2. Prakanggen Desa, Kliyang-Kliyang Bañjar, ngutsahayang kawreddhiyan kamuruban kaultaman Sang Hyang Aji, ngawentenang pasamuhan pasamuhan, parembugan, pinaka gėnah krama Desa mamanggulang pawarah-pawarah hayu.
3. Kālaning diwasa hayu, wėnang Désa atirtayatra, wėnang Dėsa ngaturang puniya miwah resi bhojana ring Ida Padandha. Talėr kālaning kāryya utama, ring Désa, salwiring ring sang mapitulung patut maweh dana.
4. Sang sapisira hugi krama Desa Pakraman Tanah Aron yan mapakayun pacang mapodgala, talėr mangda wentėn pasadok pamihuning ring Prakanggėn Desa sajaba patut polih palugrahan saking Guru Wiśėsa.
5. Prakanggėn Desa Pakraman Tanah Aron, mamatut pisan, yan krama Dėsane mapuniya ring sang prajñan, ring sang widagdha, ring sang satata ngarajėgang dharma, pingajeng ring Ida Padandha pasuryyan nyane sowang-sowang.

Palēt 3

Indik Pitra Yajña

Pawos 34

1. Pamarggi ngupakara sawa, wat gel ngupakara sawa, hugi manut linging sastra Agama Hindu. Wenten makudang-kudang soroh, sakadi hinucap ring sor puniki: ha.
Mapendhem ring prāthiwi na. Makingsan ring Ghi ca. Atiwa-tiwa, uthawi palebon uthawi ngaben ra. Yan rare durung makupak huntu, wus kepus hodel hantaka, wenang ngangge pangentas bangbang masadhana klungah kālapa gadhing. ngaran ngalungah, tan wenang tiniwaken. ka. Yan rare durung kepus hodel. painali ngaran, pendhem juga tan hana pangupakaranya, kwala ganten uthawi hadem paicchan Ida Padandha
2. Sang sapisira hugi krama Desa Pakraman Tanah Aron, tan kawasa makta sawa ka Désa pakraman, yan sawa ika sampun keni pangupakara sawa. Yan wentén mamurug yoga katiwakan dandha, mrayascita marisuddha Desa.
3. Salwiring upacara atiwa-tiwa palebon, ngaben, ring sétra hugi kawenanganya, tan wenang ring Désa pakraman, sajaba layon Ida Padandha. Yan wentén mamurug, wenang dandha marisuddha Desa, krama Desa sang atatulung dandha artha, gung harta manut pasuaran krama Desa kang sadiri
4. Yan wentén krama Désa ngurug sawa, macamana, mabresih, kawēnanganya, tan kalugra lintangan ring tigang seših ngawit saking dina sèdane. Yoga murnnama tilem, miwah salwiring upacara rarahinan. Yan kālaning angurung sawa, sajroning Desa Pakraman Tanah Aron kawangunang Karyya Agung kantos nyuci gening, Iwirè Matabuh Gentuh, Bhatara Turun Kabeh, Karyya Agung ring Besakih, yoga tumpang salune

tědunang saking balène, genahang ring natah umahe, saking bhatara kodhal kantos ida mesinab

5. Tan wěnanng nyekeh sawa yan tan macamana, mabresih, lintangan ring roras " ngnawit saking dinane seda. Yan wenten mamurug, dandha gung artha manut paswara krama Desa saha mrayascita Desa
6. Sang sapasira hugi Krama Desa Pakraman Tanah Aron tan wenang atitiwa, kala pangaci-acin Desa, lwire: Patirtha patotoyan ring Pura Puseh, Bhatara Turunkabèh, Tabuh Gentuh, minakadi Karyya Agung sawosan:
 - ha. Yan piodalan patirthayan ring Pura Puseh Desa Pakraman Tanah Aron. Pura Desa Desa Pakraman Tanah Aron, Pura Dalēm Desa Pakraman Tanah Aron, saking nigang dinayang aci-aci, jantos Bhatara puput masineb.
 - na. Yan Karyya Matabuh Gentuh. Bhatara Turun Kabèh, minakadi salwiring karyya sanè nyuci gening, saking ngawit nyuci kantos Bhatara puput masineb.
 - ca. Yan kălaning Bhatara ring Besakih lungha makakobok ka Klotok, saking nigang dinayang Bhatara lungha. Kantos Ida Bhatara mawali saha sampun rawuh ring Besakih. Yan wenten mamurug, dandha mrayascita Desa, minakadi krama Desa sané matulung dandha gurg artha manut pasuara Krama Desa kang sadiri
7. Yan wenten krama mendhem sawa kalaning dina malarang, kawasa, nanghing hugi masawen, durung masusunin bintak, laku kingsan ngaran
8. Yan mangkingsan ring Ghni, sawa gineseng, hasti hinanyut, manut krama. Yogya ngangge tirtha pabresihan. Munggwing dewasa, sa sor ipun dewanèn dados margginin mendhem sawa.

9. Indik padewasan:
- ha. Padewasan mendhem ring prāthiwi, ma katiwakang antuk Klivang Prakanggen Dèsa, wiyadin sownag-sowang manut pasobhaya.
 - na. Padewasan atiwa-tiwa katiwakang antuk Ida Padanana ndhem ring prāthiwi, makingsan ring ghni, wěnan ang Prakanggen Désa, wiyadin Kliyang Dalēm aliwa, katiwakang antuk Ida Padandha sanè pacang muput yogya sampun kapatut antuk Prakanggen Désa.
 - ca. Indik larangan ngupakara sawa, sajaba ngunggana angan ngupakara sawa, sajaba ngunggahang ka tumpang salu, kamanggehang sajroning Desa Pakraman Tanah Aron. Lwire: uda Wage, Saniscara Kliwon, Anggara Kliwon, Redite Umanis, Sukra Pon, Saniscara Wage. Radite Kliwon. ika semut sadului Sukra Pon, Saniscara Umanis, Radite Pahing, ika kala gotongan. Yan ring dora, mwah ring tanggal panglong wong 15, tanggal panglong, ping 1, 8, yan ring Wraspati, ingkel Wong. Yan wèntén sinalih tunggal mamurug, wenang dandha gung artha manut pasuaran krama Desa, saha mrayascita Dèša.
 - ra. Tan wěnan ngagah ngulung, tégés ipun, sajronig sétra tunggil, tan dados mresihin sawa, nuju dina pangutangan yan ring sétra punika wènten nglaksanayang pangabenan. Yan wèntěr mamaurug, dandha gung artha manut pasuaran krama Desa saha mrayascita sètra.
 - ka. Tan wěnan ngutang ngirim, tégés ipun, sajroning sétra tunggil, yan wentěn ngirim, tan dados sanè sawosan mendhem sawa, minakadi atiwa-tiwa, ngaben, ring dina punika. Yan wèntěn mamaurug, yogya dandha gung artha manut paswara Desa saha mrayascita sètra.
10. Yan sawa sangkaning salah pati, angulah pati, mati kapangawan, minakadi salwir ipun, Desa tan ngaarangin, yan sawa punika tiniwaken, pramangke. Sara ledang sang madruwe, minakadi Ida Padandha sanè pacang muput.

11. Yan wentĕn sinalih tunggal sawa, Sinalih tunggal sawa, gĕnahe seda wiyadin padem sajabaning pomahan, lwire: ring tĕgall, ring carik, pura, pasar, banjar, sakolah, minakadi genah sawosan dudu karang pomahan, yogya sang madruwe wirangemrayascita marisuddha gĕnah punika. Yan sawa tan kaparihangkenan, gĕnah punika patut kaparisuddha antuk sang madruwe hemponan

Pawos 35

Indik Angatma Wedhana

1. Sang sapsira hugi krama Desa Pakraman Tanah Aron, yan kĕlaning angaima wedhana, lwire: Ngaroras, patileman, Baligya, tan wenang ngawangunang Payajnyan, Petak, ring paiemahan Pura Kahyangan Desa, minakadi Kahyangan sawosan. Sang sapsira hugi wus ngawangun Kĕryya Angatma Wedana, yogya karang payajĕnan ika kapralina, sakasep ipun petangdasa kalih dina saking karyyane.

Palet 4

Manusa Yajĕna

Pawos 36

1. Sang sapsira hugi krama Desa Pakraman Tanah Aron, ngawangun salwiring upacara manusa yajna, tan wenang magĕnah ring wawidangan

palēmahan Kahyangan panyiwian Dèsa. Yan wèntèn sinalih tunggal mamurug, wěnanng dandha gung artha manut paswaran Desa saha mrayascita marisuddha pura punika.

2. Sanè kalugra mawinten magěnah ring pura sinalih tunggal, sang sapisira hugi krama Desa sane pacang kahadegang dados pamangku, pinaka jan banggul Bhatara ring pura kahyangan hinucap. Talēr sanè kahadegang pinaka prakanggen Dèsa, wěnanng mawinten majaya-jaya ring Pura Push Desa Pakraman Tanah Aron.
3. Indik manusa yajña sanè dados kamarggiyang sajroning Desa Pakraman Tanah Aron hugi sanè nganutin drsta kuna minakadi sastra Agama.

Palet 5

Bhuta Yajna

Pawos 37

1. Sajroning Desa Pakraman Tanah Aron, pacaruan manut hunggwan, kalih sor singgih, Iwire: ha. Pacaruan Desa sadakala:
 - Manca-Sastha ngamasa-masa, kāla Tileming Kasanga, magěnah ring Pempatan Desa.
 - Manca-Sanak, ngalimang masa, kāla Tileming Kasanga, magěnah ring Bañjar Tanah Aron.
 - Tabuh Gentuh, ngadasa masa, kāla Tileming Sasih Kasanga, nuju rah windu.

- na. Pacaruan Deśa padgatakāla, ri kala jagate Kabrebehan, kagringan, kadurmanggalan, katibèn pañca-bhaya, miwah sanè sawosan sanè patut caronin.
- ca. Agung alit caru, manut hunggwan acara, babwatan pacarwan, kalin nista madhya uttamaning caru.
2. Pecaruan ring pura-pura kahyangan, pamrajan, dadya, salwire, manut drstan pura sowang, minakadi awig-awig gagaduhan pura hinucap.
 3. Pacaruan ting Bañjar, sajroning Desa Pakraman Tanah Aron, kala dira Tilem sasih Kasanga. ngraris pacaruan ring karang pomahan sowang sowang.
 4. Yan wèntèn sinalih tunggal pura kahyangan, salwire, reneng pacarune kantos tigang plabuha, wěnanng prakanggen Dèśa mamawosin. Yan wus puput babawose, yogya maguru piduka, ngawit masasapuh, mangda kasiddhan ngaturang pangaci-aci.
 5. Yan wèntèn sinalih tunggal Bañjar Pakraman, reneng pacarune kantos tigang plabuh, yogya Kliyang Desa uthawi Kliyang Dalēm sanè ngawiwenang mamawosin. Yan tan puput babawose, yogya katur ka Desa, prakanggen Dèśa mamawosin tur ngicchen pamutus.
 6. Pacaron kālanning Tilem Kasanga ring karang pomahan sowang-sowang manut sastra drsta, kālanturang antuk brāta panyepian.

SAT SARGGAH

SUKERTA TATA PAWONGAN

Palët 1

Indik Rangkat

Pawos 38

1. Indik rangkat punika, manut Deśa kāla patra, mwang sima dreta, sane kapatutang tur katinutin antuk krama Desa sowang-sowang, tan singsal ring uger-uger panagara.
2. Sajroning Desa Pakraman Tanah Aron, indik rangkat ika yan sāmipun mawidhi widana pawiwahan, sanistanya mabiyakawon tur malukat, rangkat punika kasinangah puput palikrama.
3. Yan wèntèn anak istri krama Desa Pakraman Tanah Aron, karangkatang antuk sang sapisira hugi, lwih antuk saking dura Desa, yan kantos tigang dina saking dina matinggale saking jumah tan wèntèn pasadok, pajati, yogya sang madruwè wirange nuas kanti ring prakanggèn Desa Pakraman Tanah Aron, mangda ngamarggiyang sasrepa. Yan sampun sinah gènahnya, ngraris kamarggiyang panëgdeg.
4. Sang sapisira hugi krama Deśa Pakraman Tanah Aron, yan karawuhan tamyu praya masinutan malarapan antuk ngarorod, hugi mangda masadok mihuningang ring prakanggen Deśa, prakanggèn Deśa yogya maritetes, yan sangkaning can patut pamarggin rangkatnya, prakanggén Desa nguduhang mangda katur ring sang amawa rāt. Yan wèntên inamaurug, yogya sang mamurug dandha gung artha manut pasuaran Deśa
5. Yan wèntèn sinalih tunggal krama Desa Pakraman Tanah Aron, ngamet anak istri antuk mlegandang, mamendet, marikosa, miwah salwir ipun, tan

Sangkaning sami demen, tan yogya pinuput widhi widhana pawiwahannya sadurung wentën pamuput saking Guru Wisèsà.

6. Yan wèntën sinalih tunggal saking dura Desa, pacang muput rangkat kawawengkon Desa Pakraman Tanah Aron, sinalih tunggal mangda wenten ngarawuhin.
7. Yan wèntën sinalih tunggal krama Desa Pakraman Tanah Aron, ngamet anak istri pinaka rabi tan manut sima dreta minakadi sastra agama, yogya katur ring sang amawa rāt mangda kabawosan saha polih pamutus.
8. Yan wentën sinalih tunggal krama Desa Pakraman Tanah Aron, keambil olih krama saking dura Desa, patut naur panepak kulkul, gung harta manut pasuaran Desa

Palet 2

Indik Belas Makurenan uthawi Nyapian

Pawos 39

1. Sané kabawos nyapian, punika sang palas marabi, palas makurenan, sanè sāmpun katiwakan pamutus antuk Guru Wpsesa.
2. Yan wèntën sinalih tunggal krama Desa, ngarangkatang sapiyan, sadurung tigang tigang saših uthawi 105 dina, saking dina palase, yogya sang ngarangkatang sapiyan punika keni dandha pakerang gung artha manut pasuaran Desa
3. Krama Desa sanè belas merabi uthawi makurenan, sasampun polih pamutus saking Guru Wisèsà patut masadok mihuningang ring Kliyang Bañjar,

Mangda kadamyakang ring banjar Desa, Sakasep ipun asasih saking palase

4. Yan wenten anak istri wit saking wawengkon Desa pakraman Tanah Aron, Nyapian ring dura Desa, Mewali ka Desannya, yogya sang madrue wirang matur supeksaring prakanggen Desa Saha Mrayascita Marisudha anak luh. Punika yen tan kaparisudha wirnagnya patut marisudha raga mangda tan kasinanggih cuntaka

Palet 3

Indik Balu

Pawos 40

1. Sane kabawos balu, anak istri katinggal seda antuk rabine. Yan anak lanang seda rabine, wiyadin katinggal nyapian, taler kawastanin balu
2. Yan wèntèn sinalih tunggal krama Desa lanang balu, wiyadin istri balu, ngawengku karang pomahan, yogya mapayahan asele.
3. Yan wentèn lanang balu, ngawengku karang, madruwè santana uthawi oka istri sãmpun hantes mayahan, yogya mayahan bulangkep.
4. Yan wèntèn anak istri balu, ngawengku karang, madruwè santana uthawi oka lanang sãmpun hantes mayahan, yogya mayahan bulangkep.
5. Yan wèntèn sinmalih tunggal anak istri balu, marangkat, yogya rangkat punika kapuputang antuk wirang lakine rihin, yan babalon punika kari pageh
6. Munggwing wawēnangan babalon luh uthawi rangda, ring indik wawarisan, minakadi sanè sawos-sawosan, nganutin huger-huger sanè karajegang antuk Guru Wisèsa.

Palet 4

Indik Santana

Pawos 41

1. Sajeroning Desa Pakraman Tanah Aron. ngarajĕgang pidabdab santana kapurusa siddhikara tunggal, paperasan, tunggal dadya.
2. Sang sapisira hugi sinalih tunggal krama Desa Pakraman Tanah Aron, meras santana nuduk mantu, makedinang uthawi nyerahang raga, yogya sangkanin radin, tunggal siddhikara, tunggal dadya, saha polih palugrahan saking Guru Wisèsa.
3. Indik meras santana. nuduk mantu, nyuksrahang raga, sampun polin palugrahan saking Guru Wisèsa, yogya kadulurin antuk upacara manut sastra Agama Hindu. sakabwatan swang, sinaksenan dening Prakanggen Desa Pakraman Tanah Aron.

Palet 5

Indik Warisan

Pawos 42

1. Lwirè sanè wĕnang kawarisin:
 - ha. Hamong-amongan ring Deśa minakadi ayah-ayahan saurah-arih.
 - na. Hutang-piutang sang kawarisin.
 - ca. Sarajana druwe, bhrana, tĕgall, carik, tatamiyan, sakancan kasugihan.

2. Sanè wěnang ngawarisin:
 - ha. Manut lalintihan paprenahan adon han paprenahan adoh tampek saking purusa tunggal siddhikara tunggal dadya.
 - na. Putra dadaman wiyadin putra paperasan.
 - ca. Mantu dadudukan, minakadi santana saking nuduk mantu.
 - ra. Saking polih pitemes saking sang kawarisin sang madruwè salwir sane dados kawarisang, saking palugrahan Guru Wiśèsa, pinih akeh apahtigayan saking padruwèyan nyane maka piolah-olah pagunakayan.
3. Sang sapisira hugi krama Desa Pakraman Tanah Aron, yan tilar saking Agama Hindu, tan yogya ngawaris sanè kamulan patut warisin.
4. Ngedum wawarisan, kapatut sasāmpun puput mahabenang sang ngawarisang bhrana kalih kasugihan punika. Sanè dados dum, sajaba sane mengge padagingan pangaci-aci, minakadi salwiring sanè manggè piranti ngalaksanayang upacara Agama, pustaka-pustaka sanè kapingitang salwiripun.

Palèt 6

Indik Cuntaka

Pawos 43

1. Sang sapisira hugi krama Deśa, sanè kahanan cuntaka, tan wěnang ngaranjing ka Pura Kahyangan, ka panyucian kālaning nyuci gening, minakadi gěnah salwiring gěnah sanè kinucap suci pingit. Tan wěnang ngaryyanin saji salwiring saji sanè pacang katur ka Sanggar Tawang, sakadi suci gening, minakadi banten salwiripun sane jaga katur ka pura, miwah sané katur ring pitra pidha. Mungging banten sanè pacang katur ka

Tajapati, Dalem Panguluning Setra, dados käryyanin ring umah sang cuntaka kälaning ngupakara sawa.

2. Lwir sané kinucap cuntaka:

ha. Anak istri kälaning ngrajaswala, suwen cuntakane, saking ngawit ngrajaswala, kantos nyat, macihna sampu malukat.

na. Sang nganten lanang istri, suwene cuntaka, ngawit saking rahina pangantenane, wiyadin rahina marangkate, kantos puput mabyakawon, saha samayut prayascita, malukat matirtha.

ca. Rama rena cuntaka sangkaning nadruwe oka. Sanè lanang cuntaka, suwene saking mbas anake alit, kantos kepus hodel nyane, raris malukat, sanè istri pinaka rena, cuntaka petangdasa kaluh dina saking wahu mbas rarene uthawi pakambuhan.

3. Cuntaka malarapan antuk kasedayan, kapatiyan:

ha. Yan sang ngarepin, minakadi sang magènah sajroning karang pomahan sang seda, suwene cuntaka, saking wawu seda kantos puput panglemek käryyane, mawaneng malih tigang dina. Punapike mapendehem, lwih yan atitiwa. Machinayang punah cuntakane antuk marerebu, malukat.

na. Sang polih niñjo, ngarap sawa, ngamel saha ngarembat sahete-ete upakara pula-palining sawa, cuntaka adina. Punah cuntakane macihnayang antuk malukat.

ca. Yan sang manjing mijil ring umah sang ngraksa sawa, sasuwen sawa wiyadin layone karaksa, pateh cuntakane kadi sang ngarepin sawa ika, luwih yan tunggil siddhikara, patch cuntakane kadi sang ngarepin sawa ika

- ra. Yan manjing mijil ring umah sang ngraksa sawa wiyadin layon, sangkaning aniñjo, punah cuntakane sasampun husan masiram.
- ka. Yan sang polih nembah sara, mangan paridan sawa, punika taler kabawos cuntaka, suwene cuntaka kantos sasāmpur husan malukat.
4. Cuntaka sangkaning malaksana mamitra ngalang. Suwene cuntaka ngantos kawentenang upakara pabekaonan uthawi Prayascita.
 5. Anak wetu sangkaning smara dudu uthawi tan pawidhi widhana pawiwahan, babinjat, punika taler cuntaka. Suwene cuntaka, salamine durung wentēn meras. wiyadin nuduk nganggénin piyanak, uthawi nganggen dadaman.
 6. Cuntaka sangkaning mabhukti madruwe pañungkan sanè tan siddha waras salamine. Kadi hangganing hila, buduh, ngawijilang reged saking silit, bhaga, purus, tan henap mameres, brung borok tahunan mabañeh, miwah salwir punika. Suwene cuntaka, salamine tan waras.
 7. Cuntaka sangkaning cendangga sané kabakta saking wawu mbas saking garbhawasaning ibu. Punika tan kawenang napak palēmahan pañunciyan gēnah ñuci gening.
 8. Yan wentēn sinalih tunggal sang cuntaka antuk ngaraksa sara wiyadin layon, mamanan uthawi mapakayun ngarawuhin karyya hayu atma-wedana, minakadi mabhakti ring sang wēnang kabhaktinin, dados, nanghing tan wenang ngarap, ngarembat, nuwun, ngamel, saupakaran puspa lingga.
 9. Yan wentēn sinalih tunggal krama Desa durung tutug cuntaka kadi hucaping harep mamurug larangan, yan wenten ngatengahang ka Desa, prakanggen Desa niwakang pamidandha, yogya sang mamurug marisuddha sakabwatan manut panglokika.
 10. Yan wenten sinalih tunggal anak istri. sangkaning tan meha ngrajaswala sasampun ring pura, wiyadin ring gēnah larangane sawosan. raris kacirena wēnang Prakanggen Désa mwali babawos mangden tan hana ring and inucap.

11. Ri kalaning krama Desa tēdun makāryya, sang kacuntakan hamung dados ring nista mandhalaning pura uthawi ring jabayan. Yan mamurug wenang kadandha mrayascita.
12. Yan wentēn sinalih tunggal krama Desa, kacuntakan antuk ngraksa sawa, Wiyadin layon, napkāla pagilih pagantosan subak babanjarannya ngaci-acı, ring sinalih tunggal kahyangan Desa, pacaruwan ring Deśa, sadurung tutug sengker cuntakanya, wēnang tan tēdun mayahan, tan dinosan, nanghing yan Wentēn pasadok sang cuntaka ring prakanggen Deśa. Yan wus tutug cuntakane, patut naregteg yan kari ngalantur patēdunane. Munggwing piturunan, wawijilan daging salwir ipun, yogya katahur naregteg sasampun tutug sengkēr punah cuntakane. Dados kahetang pangargga.
13. Yan cuntaka gamya gamana, prakanggen Désa nyantosang pamutus sang amawa rat. Yan sampun wēnton pamutus saking sang amawa bhumi, ring Désa katiwakan dandha kadi ring sor puniki, Iwire: mangda mrayascita raga, genah malaksana, kahyangan Desa, miwah Desa pakraman. Pradē yan sang katiwakan pamidhandha mamandal, prasiddha Desa sané mrayascita Désa miwah kahyangan, sang mamandal kabawosan ring Désa, kicchen pamutus antuk prakanggen Desa, manut pamutus pararem Desa.
14. Cuntaka sangkaning mabhukti salah timpal, cuntaka ragan sang malaksana miwah Desa pagenahannya, tutug cuntakanya yan sampun sang malaksana mravascita pañangaskara raga, gēnah malaksana Deśane mrayascita Desa
15. Anak luh beling fan kapariangken, suwene cuntaka kantos lekad rare wentēn pangupakara pasangaskara kulawisuddha.

16. Yan wentěn anak mabhukti folong smara, cuntaka pateh ring cuntakan gamya gamana.
17. Sang sapisira ugi, krama Déša pacang ngwangun yajña Pitra, sang angarep yajña kabawos cuntaka, suen cuntakaniya 3 (tigang) rahina sadurung ngaben, ngantos tigang rahina sesampun pangabenan tur kälaksanayang pangresiganaan.
18. Tan keneng cuntaka, Iwire:
 - ha. Sang Sulinggih
 - na. Pamangku kahyangan Tiga, rikāla Piodalan

SAPTA SARGGAH

WICARA LAN PAMIDANDA

Palët 1

Indik Wicara

Pawos 44

1. Salwiring wicara indik pakraman, ring wawidangan Desa Pakraman Tanah Aron, wenang tinawosan antuk Prakanggen Desa. Yan tan kasiddhan puput, Prakanggen Desa ngaturang ring Guru Wisesa, bwat matatimbang.
2. Yan wenten wicara indik pakraman ring banjar, pumaksan, subak, minakadi sakéha-sakelia sawosan, yogya kabawosan antuk prakanggénnya sowang. yan tan kasiddhan puput, wenang ketengahang ka Desa, Prakanggen Desa yogya mamawosin.

3. Yan pamutus dening Prajuru Desa Pakraman Tanah Aron, tan katinutin uthawi tan kahiring antuk sang mawicara, wċnang sang mawicara nunasang pangrawos ring sang patut mamawosin, Guru Wiśèsa.
4. Yan sang mawicara talċr tan tinut ring pamutus wicara sanċ katiwakang hinucap ring hajeng, prasiddha sang mawicara kaheladang saking Desa, kantos puput wicaranya, dosane mamandal ring Dċsa.

Palet 2

Indik Pamidanda

Pawos 45

Pamidhanda wiyadin dadosan patċdunan, sangkċpan, tċdun makċryya miwah sanċ sawosan, nganutin sukreta sowang-sowang, lwire:

1. Yan prakanggċ Desa madruwe patċdunane, yogya sukrċtan Desa, sanċ kagaduh antuk prakanggen Deśa, dadosan ngaranjing ka Deśa.
2. Yan babañjaran madruwċ patċdunan, yogya nganggen huger sukrċtan banjar sowang-sowang sanċ sampun kagaduh antuk banjar punika. Dadosanċ ngaranjing ka bañjar.
3. Yan subak madwe patċdunanne, yogya nganggċn huger sukrċtan subak, sanċ sampun kagaduh antuk subak sowang-sowang, dadosane ngaranjing ka subak.
4. Yan sakcha-sakeha sawosan madruwe patedunane, yogya nganggċn huger sakċha sowang-sowang, dadosanċ ngranjing ka sakeha.
5. Yan wentċa krama sinalih tunggal tan tinut ring tatċpasan miwah dadosan punika, wċnang babawose katengahang ka Deśa, prakanggen Desa Yogya mamawosin.

Pawos 46

1. Lwiring pamidandha sanè wěnanng katiwakang antuk Prakanggen Desa, Banjar Pakraman, Subak. Pamaksan, Sakeha-Sakěha sawosan, sawawengkon Desa Pakraman Tanah Aron, sakadi ring sor puniki:
 - ha. Danda arta barana.
 - na. Danda ayah-ayahan.
 - ca. Upasaksi, Dewa saksi, pangrarāta, sumpah
 - ra. Dandha Pañangaskara, lwire: mrayascita, marisuda, miwah salwir ipun.
 - ka. Pamidandha sawosan manut palugrahan Guru Wisèsa.

2. Patiwak pamidandha, manut hunggwan wicarane sowang-sowang, minakadi wērāt ringan wicara hinucap, lwire:
 - ha. Yan wicara ring Desa Pakraman, yogya kapidandha antuk Desa. Mungging dadandhan mantuk ka Deša.
 - na. Yan wicara ring Banjar Pakraman, katiwakin pamidandha ring banjar ika, dandandhan mantuk ka bañjar.
 - ca. Yan wicara ring Dalém, ring Subak, ring Pamaksan minakadi ring sakěha-sakeha sawosan, katiwakan pamidandha ring kuwu tempekannya sowang. Mungging dadanahan mantuk kaironina kuwu tempekannya.

3. Agung alit dadandha, manut panglokika agung alit wērāt ringan kasisipane, sane mungguh ring awig-awig gagaduhanya sowang, minakadi paswara pinaka pamutus pasamuhan.

ASTAMASARGGAH

NGUWAH-UWUHIN AWIG

Pawos 47

1. Sanè wěnanng uwahin inggih punika, pasukrštan, paswara, pamutus pararēm, wiyadin pamutus pasamuhan miwah sanè sawosar sapanunggilan ipun
2. Sanè wěnanng uwuhin inggih punika, pasukretar, paswara, pamutus pararēm, wiyadin pamutus pasamuhan miwah sanè sawosan sapanunggilan ipun.
3. Indik nguwahin kalih nguwuhin pasukrštan, paswara, pamutus pararēm, wivadin pamutus pasanuhan miwah sanè sawosan, manut tata kramaning pasamuhan.
4. Indik nguwahin kalih nguwuhin Awig-awig, manut tata kramaning pasamuhan, sasampun nunas tatimbang ring Guru Wisèsà kalih nolih palugrahan sang amawa bhumi.

NAWAMASARGGAH

PAMUPUT

Pawos 48

1. Awig-awig puniki mawasta: "AWIG-AWIG DESA PAKRAMAN TANAH ARON".
2. Awig-awig puniki pinaka bantang sahananing awig-awig, paswara, pasukretan, miwah salwir ipun, sanè manggè ring sowang-sowang banjar pakraman, pamaksan pura, subak, sakeha-sakeha sanè wèntén sajroning Desa Pakraman Tanah Aron.
3. Banjar, kahyangan, pamakşan, subak, sakçha-sakeha sanè wèntén sajroning Desa Pakraman Tanah Aron wěnanng ngawungunan awig-awig, pasukertan paswara, gagaduhan, sowang-sowang, nanghing daging ipun tan yogya singsal tungkas ring Awig-awig Desa Pakraman Tanah Aron.
4. Salwiring sanè durung mungguh ring Awig-awig puniki, kaunggahang sajroning paswara, pamutus pasamuhan Desa Pakraman Tanah Aron.
5. Drsta kuna sané kari dados angge, yan tan tungkas ring daging Awig-awig Desa Pakraman Tanah Aron manut kojaring sastra Agama Hindu, hanut ring Uger-uger nagara, saba kaputusang sajroning paruman Desa Pakraman Tanah Aron
6. Awig-awig Desa Pakraman Tanah Aron. Pawangan Krama Desa Pakraman Tanah Aron kapastika manut upacara Agama Hindu, kāla dina
sasih..... tanggal uthawi panglong Isaka
..... magěnah ring Pura Puseh Desa Pakraman Tanah Aron, kapuputantuk Ida
Padandha.....saking
Griya
7. Awig-awig puniki kalingga tanganin antuk Prakangge Desa, minakadi Kliyang Desa, Panyarikan, Sedahan, saha kasarēngin antuk Kliyang-kliyang

Banjar Pakraman, Kesaksinin antuk Prebekel Bhuana Giri, Camat Bebandem, Kakukuhang antuk Bupati Karangasem.

8. Awig-awig puniki kalaksanayang ngawit dina.....kantos salantur ipun.

